

PLOANIES SAN MARTIN Y LUNGIARÜ

Porvun mo da s'imaginé ... la cortina trascurada, la plaza de dlisia mal desparada, la dlisia daverta ma canch'al öga, degönes ciampanes che sona, la dlisia daite nia puzenada, la scafa dla plata dla cöra öta, sö da alté degügn ciüfs, degun mone che arjigna ca y degügn sorvidus, le cor ne cianta nia y l'orghe scuta, la corona ne vëgn nia dita dant y tröpes funziuns toma demez, degügn leturs che lí la letöra, al mancia chi che partësc fora la comuniun, les prozesciuns toma demez - degügn ne vëgn a porté, mai la musiga che sona y mai i stüdäföh che déida.. y al restass ma plü le ploan y i pük fedei. Sciode fossel, al manciass cotan te nüsc paisc.

A Lungiarü y a San Martin unse la fortüna ch'i un porsones/uniuns che se crüzia y fistidiëia che düt chisc sorvisc vëgnes fac. A dötes y a düt ti vá n dilan fort y n prëitambel inantince tl ann nü. Ma deboriada vára da tigní vies hostes beles comunités de cöra. N gran dilan ti vá ince a dötes les porsones che vëgn regolarmënter ales mësses y ales funziuns. Plü che vignun y vignöna de nos partezipëia ala vita de dlisia, tan plü bela é nostra comunità, tan deplü pó crësce nostra fede.

I consëis de cöra da Lungiarü y San Martin

SAN MARTIN

Aziun di trei Resc: en jöbia y vëndres, ai 2 y ai 3 de janá 2025, passará indô i Trëi Rësc fora por les ciases a incundé la buna noela de Nadé.

Jöbia, 2 de janá: danmisdé: Ju, Picolin, Mirí, Alfur

domisdé: Zona artejanala, Preroman, Pradel, Pespach, Bioch

Vëndres, 3 de janá: danmisdé: Prouschi-Tor, Restalt, San Martin zënter,

domisdé: San Martin zënter

Les spënores di Trëi Resc vá te plü de 100 proieck de solidarité te döt le monn, danter l'ater te n proiect d'Indonesia por daidé réalisé n orfanatrofe, sciöche an á odü tl film. Dilan de Osta oferta. L'oferta de Santa Guania vá ince ai Trëi Resc.

LUNGIARÜ

Aziun di Trëi Resc - Aiüt sot ala buna stëra:

Trëi grups de mituns jará en vëndres, ai 3 de janá, dales 9.00, inant da ciasa a ciasa a perié do na spënora de buna man por daidé d'atri mituns che ne stá nia dala pert de sorëdl. Les ofertes di Trëi Resc y de Santaguania vá a bëgn de passa 100 proiect por daidé mituns, en chësc ann dantadöt proiect tl Indonesia.

La Direziun dles scolines "LADINIA" comunichëia che les iscriziuns ala scolina por l'ann 2025/26 pó ma plü gni fates online dai 08 ai 16 de janá 2025 sön le portal online dla provinzia da Balsan - *Prëibel ciarede plü avisa tl'ultima plata.*

Döt le bun a chi che complësc i agn de janá

San Martin Zilia Pescollerungg Pedevilla che nen complësc 83 ai 9

Alfred Castlunger che nen complësc 82 ai 21

Lungiariü Anna Castlunger Clara che nen complësc 82 ai 3

Pire Castlunger che nen complësc 84 ai 7

Albina Irsara Mischi che nen complësc 87 ai 7

Theresia Huber Daverda che nen complësc 86 ai 24

Giovanni Castlunger, Ties, che nen complësc 81 ai 31



unitepastorala.org

Plata dles Ploanies San Martin y Lungiarü



ploan siur Klaus Sottas 344 15 54 055 - klsottas@rolmail.net
redaziun: anton.gasser@rolmail.net - 348 27 44 517 / 0474 523194

29.12.24 - 05.01.25 n. 05

termo por comunicaziuns: jöbia, dales 20.00

Domënia dla Santa Familia - C

Nanü - Uma de Dî

Vangele do san Lüca 2,41-52

...Do trëi dis l'ài ciafè tl témpl; al ê sentè amesa i maestri ite, ti ascutâ pro y fajô domandes. Düt chi che l'aldî se fajò demorväia por süa inteliëンza y por sües respostes. Canche sü geniturs l'â odü, s'ài fat dër demorväia, y süa uma ti à dit: Möt, cô podôste pa nes fà chësc? To pere y iö t'ùn chirì plëgns de pôra. Y él ti à dit: Ćiodî m'ëise pa chirì, ne savôse nia ch'i mässi me dè jó cun cí che é de mi Pere? Mo ai ne capî nia cí ch'al orô dì cun chël. Spo él jü impara derevers a Nàzaret y ti stô sotmetü. Süa uma mantignî cí che ê sozedü te so cör. Y Gejù chersciô de sapiënça, eté y grazia dan da Idî y la jënt.



Trëi dis â Maria y Ojöp chirí Gejú tla cité plëna de peregrins.

Ai s'ará trat dant ch'ai ne s'un â nia intenü denant y ch'ai n'â nia ciaré assá de so fi.

Ai sará stá desperá. Tan contënc êsi mo, canch'ai â ciafé Gejú,

ci pëis arái mo lascé jó y tan reconescënc sarái mo stá?

Y impó ne n'éra dedô nia plü sciöch'ara ê denant.

Le rapport normal zënza crüzi cun so fi â ciafé na storta.

Gejú vá bëgn indô impara a ciasa y la vita da vigni de vá inant.

Mo al ê te n iade na malsegurëza che se lasciâ adintëne y domandes davertes:

Ci chir pa nosc möt pro i studiâ dla lege che nos ne sun nia bugn da ti dé?

I un pó ince porvé da baié impara dla fede? Ne ti bastunse nia plü?

Al é domandes doloroses che lê sö insciö o atramënter te tröpes families.

EDEMA - C	SAN MARTIN	LUNGIARÜ	
29.12.24 DOMËNIA DLA SANTA FAMILIA - C	9.30 Corona 10.00 Gran Mëssa por la Comunité de rengr. fam. Alfred y Carla Verginer de rengr. fam. Paula Moling Zingerle + Pasquale Schuen ++ fam. de Ludwig y Herta Rungger	7.50 Corona (pater Franz) 8.15 Gran Mëssa por la comunità de rengr. 100 agn forza eletrica a Lungiarü en onù de S. Heinrich + Angela Clara, dl ann ++ Franz y Veronica Costa	I periu do l'intenziun dl Papa por le mëis de dezember  I periu che chësc Ann Sant nes renforzes tla fede y nes dëides da conësce amesa nosta vita Crist ressorí y fejes de nos peregrins dla fede cristiana. -----
30.12.24 <i>Felize, Germar Lönesc</i>			
31.12.24 Dedolönesc Silvester, Melanie, Alan	17.30 Mëssa de rengraziamënt ++ Perpetua Valentini Rubatscher, dl ann + Carlo Dejaco (dla Uniun) <i>(don Marco)</i>	19.00 Mëssa de rengraziamënt dl ann + Isidoro Clara <i>(don Marco)</i> + Alfonso Mischi + Sepl Clara, Sanvi	Oraziun por le Iubileum 2025
01.01.25 Dedemesaledema NANÙ - UMA DE DÎ De mondial dla pesc	<i>Degöna corona (siur Klaus)</i> 10.00 Mëssa solëna por la Comunité en onur dla Uma de Dî ++ siur Angel Morlang y siur Merch Graffonara Benedisciun dl'Ega Santa y dl Inzëns	7.50 Corona (siur Klaus) 8.15 Mëssa solëna por la comunità en onur dla Uma de Dî + Franz y Lidvina Clara + Giovanni y Severina Costa Benedisciun dl'Ega Santa y dl Inzëns	Pere tl cil, la fede, che te nes as scinché te to Fi Gejú Crist, nosc fre, y la flama dl amur al proscim, che le Spirit Sant á impié te nüsc cörs, descëdes te nos la speranza beata do l'avënt de to Rëgn. Tüa grazia nes trasformëies te somenadus lezitënc dla somënza dl Vangele che fejes crësce tl'umanité y tl univers na aspetanza fidënta do le cil nü y la tera nöia canche les forzes dl mal sará desdrütes y tüa gloria se manifestará por tres.
02.01.25 Basile, Mariana Jöbia			
03.01.25 Pröm vëndres Inom de Gejú, Genofefa	18.30 Adoraziun chîta 19.00 Adoraziun deboriada	9.00 Al pëia ia i Trëi Resc	
04.01.25 Sabeda Angela da Foligno, Angelica	18.30 Mëssa prefestia por families de Paul y Maria Sorà + Erica Videsott, dl ann ++ siur Bertrand y Paula Vollmann		La grazia dl Iubileum descëdes te nos Peregrins dla Speranza le dejier do i bëgns dl cil y destënes fora sura döt le monn la ligrëza y la pesc de nosc Redentur.
05.01.2025 2^a DOMËNIA DO NADÉ	9.30 Corona por vocaziuns 10.00 Gran Mëssa por la Comunité + Giovanni Unterweger + Albert Conrater, dl ann + Giovanni Trebo, Tor, dl ann	7.50 Corona (don Marco) 8.15 Gran Mëssa por la comunità ++ Nando y Veneranda Clara ++ Angela y Eusebio Nagler	A te Bel Dî benedí eternamënt sides lalt y gloria por i secui. Amen. Franciscus
	<i>Audanzes de benedisciun, fortüna, contentëza, sanité y pesc por l'Ann Nü ai proi dl'unité pastorala de nosta valada, ai administradus de nosc comun y a döta la popolaziun da San Martin y Lungiarü</i>		